



KORREDORIS DI TRANSPORTI DI ROXBURY

Nu kre kumessa pa obi bus ideias pa faze sirkulason pa transporti na Roxbury mas seguru, mas konvenienti y mas agradável.

Perguntas? Kontata:

EKIPI DI TRANSPORTI | TRANZITU

BTDTTRANSITPROGRAMS@BOSTON.GOV

PRIENXE/KONPLETA NOS KISTIONÁRIU

INFORMASON DI BAZI

Oji, Roxbury é un bairru di morada vibranti ku un komunidadi di rezidentis senpri ta aumenta y pekenus negóssius movimentadu. Kel bairru li ten un passadu xeiu di stórias di ativismu komunitáriu y txeu instituisons kultural ki ta omenajia diversidadi y speriensias di vida di sê rezidentis.

Nu kre djuda midjora kualidadi di vida di rezidentis di Roxbury pa torna perkursus ki es ta uza mas seguru, mas konvenienti y mas agradável.

Nu sta trata di tres korredoris di Roxbury:

- Warren Street
- Malcolm X Boulevard
- Columbus/Tremont (entri Jackson Square y Ruggles Station)

Kes korredoris li ten mas passajerus y mas atrazus na tudu sistema di MBTA. Nos trabadju ta ben midjora servissu di autokarru pa kes tantu di passajerus. Nu ta torna kes korredoris midjor pa pessoas a pé ora ki nu bira-l mas seguru pa pessoas travessa rua y pa nu poi bankus, árvoris y mas iluminason. Pamodi nos trabadju, anda di bissikleta na kes korredoris ta passa ta ser livri di stressi, pa maneja tranzitu di karru y stassionamentu. [Nu kre obi di bô y sabe bus prioridadis pa kes korredoris li.](#)



KUZÉ KI NU STA TRATA



Nu ta txoma kes korredoris projetus pamodi nu ka sta trata só di stradas. Nu sta trata di passaderas, iluminason, parajis di autokarru, árvoris di rua, y mas kuzas. Nu kre djobe pa tudu kuza ki ta faze parti di di bu perkursu o ki bu ta odja na kes ruas pa nu odja manera di midjora tudu kes kuzas. Nu kre tanbé ten serteza ki bu ta sinti seguru na bu deslokason na kes ruas seja kual for manera ki bu skodje pa bu passa na es.

Nu sabe ki nu ten ki kumessa pa kuzas báziku. Nos trabadju ten ki kumessa ku mididas pikenus ki ta faze grandi diferenса, sima sertifika ki luzis di rua na kes korredoris sta funsiona dretu.

Nu sabe tanbé ki nu ten ki midjora autokarrus pa passajerus ki ta toma es na kes korredoris. Kes tres ruas li ten mas passajerus na tudu sistema di MBTA, mas tanbé es ta passa pa pioris atrazus di servissu. Passajerus di nos autokarrus meste opsons di transporti ku garantia di servissu. Y nu sabe ki kes ruas é stressanti pa pessoas ki ta anda di bissikleta. Pessoas na bissikleta meste mas seguransa na kaminhu.

MODI KI BU PODE PARTISSIPA



Responde nos kistionáriu

Nu meste bu ajuda pa nu pode torna viaji mas seguru y midjor pa tudu algén! Responde nos kistionáriu, ki ta leba 3-5 minutu pa bu flanu modi ki bu ta uza kes ruas, kual ki é bus prioridadis pa deslokason y ki tipus di di midjoramantus bu ta kreba pa ser fetu.



Telefona pa 617-635-3944

pa bu dixa bus komentárius o pidi un kistionáriu impressu



Entra bu nomi na nos lista di email pa es projetu!

Bu sta interessadu na sta senpri atualizadu sobri kes projetus li? Inskreve na nos lista di Roxbury Transportation Corridors!



Flanu kenha ki nu debe reuni ku el

Ten un reunion o eventu komunitáriu ki bu ta atxa ki nu debe bai pa papia sobri kes korredoris y obi nhos opinions? Dixa-nu sabe!

KUZÉ KI DJA NU OBI TI OJI

Departamentu di Transporti y nos parserus na komunidadi ten stadu na ruas di Roxbury ta pergunta pessoas sobri ses speriensias ku kes korredoris.

Ali manera ki nu ten konsiguidu informason ti es data:

- Auditorias di passajerus di autokarrus
- Reunions di Assionistas
- Reunions Públikus
- Kistionárius

Kuzé ki bu ta atxa? Kes konkluzons li ta parse ku bu speriensia? Kual ki é bus prioridadis pa kes korredoris li? Flanu kuzé mas ki nu meste sabe ora ki bu responde nos kistionáriu:

Ali kuzas ki dja nu fika ta sabe ti data di oji:

- Kes ruas la pode ser konfuzu y prigozu pa tudu algén ki ta uza es.
- Passajerus di autokarru nunka ka ta sabe kantu tenpu ki ses viaji ta dura, y txeu bes ta txiga mas di un autokarru na mesmu tenpu ma pessoas ta fika ta spera txeu tenpu pa próximu autokarru ben.
- Pessoas na bissikleta nen senpri ta sinti seguru na strada na meiu di karrus ma es ta entra na konflitu ku pessoas na passeius tanbé.
- Pessoas ki kre stassiona karru pode ten difikuldadi pa atxa un lugar vagu pertu di undé ke es sta bai.

**PRIENXE/KONPLETA
NOS KISTIONÁRIU**

KU KENHA KI NU STA KORDENA

Nu sabe ki ten txeu kuzas ta kontisse na Roxbury.

Eki pi di nos projetu sta kordena ku otus funzionárius munissipal pa troka opinion y aborda priokupasons komunitárius mas komun. Nos objetivu é di torna mas fássil possivel pa bu danu bu opinion y nu ka kre sobrekarregabu ku reunions.

Djobe na kes links li pa bu fika ta sabe sobri otus projetus munissipal ki sta fazedu na ária di Roxbury.

[ROTAS SEGURU PA SKOLAS NA ROXBURY](#)

Kriason di ruas ku tranzitu kalmu pa pessoas di kualker idadi pode anda, korre patin y anda di biussikleta sen ninhun prigu

[GUIA DI STUDU DI TRANSPORTI NA BAIXA DI ROXBURRY](#)

Ki ta midjora anda a pé y di bissikleta pa rezidentis

[PLANU DI TRANSPORTI PA AVENIDA BLUE HILL](#)

Nu sta rekonfigura funzionamentu di es avenida

[KORREDOR GROVE HALL/QUINCY](#)

Faze mudansas pikenus ku grandi inpaktu pa branda velossidadi, torna mas seguru pa travessadu rua y midjora kualidadi di vida na ruas di bairru

[HIGHLAND PARK](#)

Faze mudansas pikenus ku grandi inpaktu pa branda velossidadi, torna mas seguru pa travessadu rua y midjora kualidadi di vida na ruas di bairru

[MORELAND ST Y MT. PLEASANT AVENUE](#)

Faze mudansas pikenus ku grandi inpaktu pa branda velossidadi, torna mas seguru pa travessadu rua y midjora kualidadi di vida na ruas di bairru

[PROJETU DI DESIGN PA NUBIAN SQUARE](#)

Kriason di rodovia, enkruzilhada y planus di design di urbanizason pa ser fetu na Nubian Square

[PROJETU DI RUGGLES STREET](#)

Muda konfigurason di rua pa midjora assessu y seguransa di tudu algén

[PROJETUS BPDA NA ROXBURY](#)

Tudu enpreitadas propostu o sob konstruson na bairru